

confrégit in die iræ suæ reges.

Judicábit in natióibus, implébit ruínas : \* conquis-sábit capita in terra multó-rum.

De torrénte in via bibet: \* proptérea exaltábit caput.

Psalmus 110.

CONFITEBOR tibi Dómine in toto corde meo : \* in consílio justórum, et congregatióne.

Magna ópera Dómini : \* exquisita in omnes volun-tátes ejus.

Conféssio et magnificéntia opus ejus : \* et justitia ejus manet in sæculum sæculi.

Memóriam fecit mirabí-lium suórum, & miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtútem óperum suórum annuntiábit pôpulo suo :

Ut det illis hereditátem géntium : \* ópera mánuum ejus véritas, et judícium.

Fidélia ómnia mandáta ejus : & confirmáta in sæcu-lum sæculi, \* facta in veri-táte et aequítáte.

Redemptiónem misit pô-

pulo suo : \* mandávit in ætérnum testaméntum suum.

Sanctum, et terríbile no-men ejus : \* initium sapién-tiæ timor Dómini.

Intelléctus bonus ómni-bus faciéntibus eum : \* lau-dátio ejus manet in sæculum sæculi.

Psalmus 111.

BEATUS vir, qui timet Dó-minum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divítiae in domo ejus : \* et justitia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui mise-rétur et cómodat, & dispónet sermónes suos in judício : \* quia in ætérnum non commovébitur.

In memória ætérrna erit justus : \* ab auditíone mala non timébit.

Parátum cor ejus speráre in Dómino, & confirmátum est cor ejus : \* non commo-vébitur donec despíciat in-imicos suos.